

Nto za Malongi ma Lukutakanu Zingu ye Salu Kieto kia Kikristu Nkand'a Malongi

3-9 KIA MAYU

TUSALU TUNA MUNA DIAMBU DIA NZAMBI | NTALU 27-29

**“Tanginina e Fu kia Yave kia Lembi sia
e Mpambula”**

**Eyingidilu dia 15/6/2013 luk. 10 tini
kia 14**

Yangalelanga e Fu ya Yave una Ufwene

¹⁴ O wan'amakento tanu awaya bayenda kwa Mose yo kunyuvula: “E nkumbu es'eto, mu nkia kuma ivunzwinu muna vumu kiandi, wau kakondwa mwan'eyakala?” Badodokela vo: “Nutuvana kunku mun'abunzi es'eto.” Nga Mose wavova vo, ‘owau i nsiku, kina y'edi mvanga ko’? Ve, ‘wasunzula diambu diau kwa Yave.’ (Nta. 27:2-5) O Yave adieyi kavova? Wavovesa Mose vo: “O wan'amakento, a Selofekade batomene vova: ubavana kunku ki'efwa mun'abunzi es'au; wabavinges'efwa di'es'au.” Yave ke diau kaka kavova vo. Wavovesa diaka Mose kasoneka muna Nsiku vo: “O muntu, ovo ofwidi, kakondwa mwan'eyakala, nuvingesa mwan'andi ankento efwa.” (Nta. 27:6-8; Yos. 17:1-6) Muna mpila yayi, akento awonso a Isaele ana babwilwanga diambu diadi bafwana tambula efwa.

**Eyingidilu dia 15/6/2013 luk. 11 tini
kia 15**

Yangalelanga e Fu ya Yave una Ufwene

¹⁵ Kieleka, e nzengo zazi ke zasianga mpambula ko. O wan'amakento tanu awaya ke bakala ye muntu ko olenda kubasadisa. Kansi, Yave kababembola ko, wabasonga

o zitu yo kubabadikila nze una kabadikilanga Aneyisaele awonso. (Nku. 68:5) Lwalu lumosi muna tusansu twa Nkand'a Nzambi tusonganga vo Yave ke sianga mpambula ko vana vena selo yandi. —1 Sam. 16:1-13; Mav. 10:30-35, 44-48.

**Eyingidilu dia 15/6/2013 luk. 11 tini
kia 16**

Yangalelanga e Fu ya Yave una Ufwene

¹⁶ Aweyi tulenda tanginina e fu kia Yave kia lembi sia mpambula? Sungamena vo, muna *kala* ye fu kia lembi sia mpambula, tufwete *badikilanga* wantu awonso mpilamosi. Nanga olenda kuyibadikila vo kusiangampambula ko. Kansi, ezak'e ntangwa diampasi dikalanga mu zaya una tubadikilanga akaka. Muna kuma kiaki, aweyi olenda zayila vo kusiangampambula ko? Yesu watusisila mbandu ambote. Vava kazola zaya dina wantu bavovanga mu kuma kiandi, wayuvula kw'akundi andi vo: “O wantu, nani bekunyikilang'o Mwan'a muntu?” (Mat. 16:13, 14) Nanga olenda sola nkundi mosi ona ozeye vo olenda kuzayisa e ziku avo unyuvwidi: ‘Adieyi obenze, nga ibadikilanga wantu awonso mpilamosi? Nga akaka bekumbadikilanga vo kisiangampambula ko?’ Olenda kuvovesa vo ezak'e ntangwa osianga mpambula mu kuma kia se kia nitu yovo osonganga e ngeimba kw'awana bena ye nzimbu zayingi yovo ana batanga kwayingi. Avo bavovese mambu nze mama, adieyi ovanga? Samba kwa Yave, unlomba kasadisa mu soba e mpil'aku ya badikila akaka kimana walenda tanginina e fu kiandi kia lembi sia mpambula.—Mat. 7:7; Kol. 3:10, 11.

Tusalu twa Mwanda

**Perspicaz vol. 3 luk. 123 tini kia 7
Tukau**

Tukau twa Ndua. O tukau twa ndua, kumosi twavaninuanga ye tukau twankaka musungula vava Aneyisaele bakota muna Nsi a Nsilu. (Nta. 15:2, 5, 8-10) Muna tukau bavananga mwakalanga mpe ye vinyo, (“malavu ma nkolwa”) ina yayitilwanga vana ziku. (Nta. 28:7, 14; tezanesa ye Luv. 30:9; Nta. 15:10.) Paulu wa ntumwa, wasonekenena Akristu kuna Filipo vo: “Kana nkutu vo ngitilu nze lukau lwa ndua vana kimga ye salu kiavauka nusadidi muna lukwikilu, mono ngiangalele.” Ovava Paulu wasadila e nona kia lukau lwa ndua muna songa e tima diandi dia kuyivana muna wete mpangi zandi za Akristu. (Fili. 2:17) Vava kiasfinama lufwa lwandi, Paulu wasonekenena Timoteo vo: “Kadi iyitilwanga nze lukau lwa ndua, ntangw’a luvuluku lwame ifinamene.”—2 Tim. 4:6.

10-16 KIA MAYU

**TUSALU TUNA MUNA DIAMBU DIA
NZAMBI | NTALU 30-31**

“Lungisanga e Nsilu Miaku”

**Perspicaz vol. 3 luk. 801
Nsilu**

Kuna Mvevo a Ntima Usilwanga, Kansi Ufwete Lungiswa. O wantu ke bakomekenuanga ko mu sia o nsilu. Kansi, vava mwan’a yakala kasianga nsilu, diavavanga vo kalungisa mawonso kasididi o nsilu mun’owu wa nsiku a Nzambi. Muna mpila yayi, o muntu wasianga o nsilu, ‘wakanganga e kangu yo moyo andi,’ i sia vo o

moyo andi wakalanga se ziku vo olungisa mvovo miandi. (Nta. 30:2; tala mpe Roma 1:31, 32.) Wau vo e moyo a muntu mu vonza wakalanga, e Diambu dia Nzambi diakanikinanga vo o muntu kafwete teka yindula vitila kasia o nsilu yo toma badi-ka mawonso mavavuanga muna sia nsilu. “Avo osidi nsilu kwa Yave . . . o Nzambi aku lomba kekulomba wo; avo ke wau ko, dikala se sumu kwa ngeye. Kansi, avo kusidi nsilu ko, kunata sumu ko.”—Nsi. 23:21, 22.

**Perspicaz vol. 3 luk. 801
Nsilu**

O nsilu usiwanga kwa Nzambi mu vanga diambu, vana lukau, kukivana muna salu yovo lembi vanga mambu mena vo ke mambi kikilu ko. O nsilu wau, i nzengo zina muntu yandi kibeni kabakanga lembi komekenua. Wau vo kwa Nzambi wasiwanga, o nsilu wabadikilwanga mpe vo ndofi, e zak’e ntangwa e mvovo miami kumosi miyikwanga muna Bibila. (Nta. 30:2; Mat. 5:33) O nsilu i nzengo za muntu, vo i ndofi akwa wisa bakomekenanga o muntu mu dia yo mu zaya e ziku kana vo mana kavovela maludi. Nkumbu miayingi e ndofi yasonganga e ziku kia kangu dina diakangwanga.—Tuku 26:28; 31:44, 53.

**Eyingidilu dia 1/8/2004 luk. 27 tini kia 3
Mambu Mamfunu ma Nkand’a Ntalu**

30:6-8—Nga o yakala una vo Nkristu olenda vunuzuna e ndofi ya nkaz’andi? Mu kuma kia nsilu, Yave ovavanga vo konso selo kiandi kalungisa e nsilu miandi. Kaskil’owu, o kukiye kola kwa Yave i nsilu una muntu kesianga yandi kibeni. (Ngalatia 6:5) O yakala kena yo nswa ko wavunzuna o nsilu wau. Muna kuma kiaki, o nkento

kafwete venga sia o nsilu ulenda kulula dina Diambu dia Nzambi divovanga.

Tusalu twa Mwanda

Perspicaz vol. 2 luk. 482 tini kia 2 Yefeta

Kuna nz'a nkulu, mase bakala yo swa wa vana o wan'au kwa Yave muna kunsadila muna nzo avauka. Samuele mosi muna awana bavewa mu sala e salu muna nzo avauka. Vitila kawutuka, Ana wa ngudi andi wasia nsilu wa kumvana muna salu kiaki. Elekana wa nkaz'andi, watambulwila e nsilu wau. Vava Samuele katauka, Ana wanata kuna nzo avauka, wanata mpe e bulu mu vana se kimenga. (1 Sam. 1:11, 22-28; 2:11) Samesone mpe wavewa nze Mvambuki mu sadila Yave e lumbu yawonso ya zingu kiandi.—Afu. 13:2-5, 11-14, tezanesa ye sono kia Ntalu 30:3-5, 16 ki-yikanga e wisa kina se kakala kiau muna mwan'andi ankento.

17-23 KIA MAYU

TUSALU TUNA MUNA DIAMBU DIA NZAMBI | NTALU 32-33

“Nuyinga Awonso Bezingilanga Muna Nsi”

**Eyingidilu dia 1/8/2010 luk. 23
Nga Ozeye?**

Nki i “fulu yazanguka” iyikwanga muna Sono ya Kiyibere?

Vava Aneyisaele bafinama kota muna Nsi a Nsilu, Yave wabavovesa vo bafukisa e fulu yawonso ya nsambila ya esi Kenani ana bazingilanga mo. Nzambi wakanikina vo: “Nufwete fwasa e teke yau yawonso ya matadi, e teke yau yawonso yasengwa,

nufwete wula e fulu yau yawonso besambidilanga e nzambi zau zaluvunu.” (Ntalu 33:52) E mabata mama ma nsambil'a luvunu, nanga mu nzanza makalanga yovo muna miongo ye kuna nsi a nti miasavuka yovo mu zimbanza. (1 Ntinu 14:23; 2 Ntinu 17:29; Yezekele 6:3) Muna fulu yayi mwakala ye malunzi, mavindi mavauka, teke, ndumbu ye lekwa yankaka yasadilwanga muna nsambila.

Eyingidilu dia 15/2/2008 luk. 27 tini kia 5-6

Tulongoka Diambu Muna Vilwa wa Aneyisaele

O unu kiaki ntonta zayingi zituzungidi nze una wakala Aneyisaele. E nza ya tandu kiaki yazala ye nsambila za teke ya mpila mu mpila yo wantu bebadikilwanga nze nzambi, kumosi ye nzimbu, y'akwa nsaka za cinema, abudi a somba, ayadi, afidi a nsambila yovo nkutu yitu. Avo ke tukebele ko, tulenda yantik'o sia e vuvu kiasaka muna lekwa yovo wantu awaya. O vanga kikundi y'awana ke besambilanga Yave ko dilenda fwasa kimwanda kieto.

E nsambil'a Bale yazala ye mavangu ma zumba mana mavukumuna Aneyisaele ayingi. Mavangu ma zumba makinu vukumuna ayingi vana vena nkangu a Nzambi. Kasikil'owu, komputadore ilenda fila muntu mu tala mavangu ma zumba yo yivisa e ntona zandi. Diankenda kikilu keke vo Nkristu uyivene mu tala mavangu ma zumba muna Internete.

Perspicaz vol. 1 luk. 417 tini kia 2 Kenani

Yosua wavanga mawonso, “ke vena diambu ko kalembi vanga muna mawonso

Yave kakanikina Mose” mu kuma kia lufwasu lwa esi Kenani. (Yos. 11:15) Kansi e zula kia Isaele ke kiale mvokela luludiku lwandi ko lwa fwasa e lekwa yawonso yafunzuka muna nsi yayina. O kala kumosi ye esi Kenani diayivisa e kadilu kia Aneyisaele. Kuna kwalanda, ediadi mfwilu miayingi diatwasa, ndonga bafwa. O umpumbulu, mavangu mazumba ye nsambila teke yawokela. Ediadi ke diadi vangama ko kele vo balanda luludiku lwa fwasa esi Kenani awonso. (Nta. 33:55, 56; Afu. 2:1-3, 11-23; Nku. 106:34-43) Yave wateka lukisa Aneyisaele vo kesianga mpambula ko muna mpila kesongelanga unsongi wandi ye muna mfundisa zandi. Avo Aneyisaele bakangidi e kangu ye esi Kenani yo sompana yau yo kuyisia muna nsambila zau ye fu yau ya kisi nsi, wadi kubafukisa nze una kadi funkisila esi Kenani, i sia vo ‘belukwa muna nsi.’—Luv. 23:32, 33; 34:12-17; Lev. 18:26-30; Nsi. 7:2-5, 25, 26.

Tusalu twa Mwanda

Perspicaz vol. 3 luk. 695

Mwingilu

Vava e nkas’a mienze yabwilanga vana fulu kiakala lukufi ye mwingilu a vua dia konso kanda, diavavanga mpe vo bazaya o sanzuka kwa ntoto mun’owu wa lutangu lwa konso kanda. “Nufwete kayanesa e nsi se vua muna vumu yeno muna ntew’a nkas’a mienze. Avo e buka kianene, nufwete kudikila e vua diandi; avo buka kiakete, nufwete katulula e vua diandi. E vua dia konso muntu dikala vana vebwila e nkas’andi a mienze.” (Nta. 33:54) E nzengo zabakwanga mun’owu wa nkas’a mienze, ke zatoma sobanga ko. Kansi vavangwa-

nga finsobani mu kuma kia yalumuka kwa zunga kia konso vua. Vava bamona vo e vua dia Yuda diasunda o nene, e zunga kia vua diandi kiakululwa, e ndambu yavewa kwa kanda dia Simeone.—Yos 19:9.

24-30 KIA MAYU

TUSALU TUNA MUNA DIAMBU DIA NZAMBI | NTALU 34-36

“Tinina kwa Yave”

Eyingidilu dia Novemba 2017 luk. 10 tini kia 4

Nga Okitulanga Yave se Tininu Diaku?

⁴ Kansi, adieyi diavangamanga avo mwisi Isaele ovondele muntu lembi wo kana? Kana una vo lufwa lwalu lwa sumbula, o muntu ndiona nkanu a menga kakala wau mu kuma kia lufwa lwa munkondwa kuma. (Tuku 9:5) Kansi muna diambu diadi, Yave wavova vo muntu ndioyo kafwete songwa e nkenda. Ndiona ovondele nkwardi lembi wo kana, watinanga o nlandi a kunda kia menga yo kota mu vata dimosi muna mavata sambanu ma tinina. Avo oyambwilu vo kakala muna vata diadina, wataninwanga. Kansi diavavanga vo kakwamanana muna vata yavana o ngang’ambuta kefwa.—Ntalu 35:15, 28.

Eyingidilu dia Novemba 2017 luk. 11 tini kia 6

Nga Okitulanga Yave se Tininu Diaku?

⁶ Avo mosi muna Aneyisaele ovondele muntu lembi wo kana, diavavanga vo kazaula kuna vata dia tinina yo zayisa e “diambu diandi” kwa mbuta vana vitu dia mbanza. Ambuta batambulanga muntu ndioyo. (Yosua 20:4) I bosi, bamvutulanga kuna

mbanza kavondela o muntu kimana ka-fundiswa kwa mbuta za mbanza. (**Tanga Ntalu 35:24, 25.**) Avo e mbuta zazi bamwene vo kavangidi wo mu lukanu ko, bamvutulanga diaka kuna vata katinina.

Eyingidilu dia Novemba 2017 luk. 13 tini kia 13

Nga Okitulanga Yave se Tininu Diaku?

¹³ Avo muntu watinanga okotele muna vata dia tinina, e zingu kiandi ke kiakalanga diaka mu vonza ko. Mu kuma kia mavata ma tinina, Yave wavova vo: “Mekal’oko nwina se matininu.” (Yosua 20:2, 3) Yave katondanga ko vo o muntu watina kafundiswa mu nkumbu miole muna diambu diau dimosi. Kuna diak’e sambu, o nlandi a kunda kia menga kakala yo nswa ko wa kota muna vata kimana kavonda ndiona watina. Vava o muntu watina kakalanga muna mbanza, wataninuanga kwa Yave. O muntu ndioyo kakalanga mu pelezo ko. Wakala yo nswa wa sala, sadisa akaka yo sadila Yave kuna luvuvamu. Wafwana kala ye kiese muna zingu.

Tusalu twa Mwanda

Eyingidilu dia 15/2/1991 luk. 13 tini kia 13

Lukûlu Lwafwana kwa Wantu Awonso

¹³ Adami yo Eva, ke bevua nluta mia lukûlu ko. Muna Nsiku a Mose muna yo nkanikinu uvovanga vo: “Ke nutambula lukûlu ko mu vuluza mumponda-muntu ona ofwanukini vondwa.” (Ntalu 35:31) Adami kavunua ko, muna kuma kiaki, kuna lukanu kasumukina. (1 Timoteo 2:14) Diakala nze yandi wavonda e mbongo andi, muna kubasambukisa usumuki wau yo vewa e tumbu

kia lufwa. Kieleka, Adami lufwa lwamfwanukina, kadi kana una vo muntu alunga kakala, wasola kolamena nsiku a Nzambi kuna lukanu. Ke diadi kala ngwizani ko ye nkanikinu miansongi mia Yave mu yambula vo Adami kavua e nluta mia lukûlu. Kansi o futa o mfutu a sumu dia Adami, divunzunanga e tumbu kia lufwa kiavewa kwa mbongo andi. (Roma 5:16) Mun’owu wa nsiku, Nzambi wakatula e mfwilu mia sumu ye tuku diandi. O nkûdi ‘wayeleka lufwa mu kuma kia wantu awonso’ yo mona e mpasi zatwasa e sumu dia Adami.—Ayibere 2:9; 2 Korinto 5:21; 1 Petelo 2:24.

31 KIA MAYU–6 KIA YUNI

TUSALU TUNA MUNA DIAMBU DIA NZAMBI | NSIKU 1-2

“E Mfundisa, za Yave”

Eyingidilu dia 15/3/1996 luk. 23 tini kia 1 Yave Oyangalelanga Unsongi

Akuluntu ana basolwa muna nkutakani, bena ye mbebe ya fundisa awana bevanganga o vilwa wampwena. (1 Korinto 5: 12, 13) Vava bevanganga wo, besungame-nanga vo o unsongi wa Nzambi uvavanga vo basonga e nkenda avo vena ye kuma kia songa zo. Kansi, avo muntu kavi-lukilu ntima ko ke vena ye kuma ko kia songa e nkenda. Kansi akuluntu ke beva-yikisanga muntu mu nkutakani ko muna landa e kunda. Bevavanga vo o nsumuki kivilula o ntima. (Tezanesa ye Yezekele 18:23) Muna mfila Kristu, akuluntu besalanga muna tanina o unsongi. Divavanga vo bakala se “swekamenno muna ntangw’a tembwa.” (Yesaya 32:1, 2) Muna kuma kiaki

bafwete songanga o ntima nleka yo venga e fu kia sia mpambula.—Nsiku 1:16, 17.

Eyingidilu dia 1/8/2002 luk. 9 tini kia 4 Songanga Lusakalalu Muna Wisa Kasiki-disa o Nzambi

⁴ Muna sala se afundisi, mayingi mavavua-nga kwa yau ke mpasi zaya kaka Nsiku ko. Wau vo wantu alembi lunga bakala diavavanga vo wantu awaya, basia ngo-lo muna lembi kuyivana muna zolela yau yambi, nze loko ye fu kia sia e mpambu-la. E fu yayi yadi kubafila mu bendomona e mfundisa. Mose wabavovesa vo: “Ke nusie mpambula ko muna mfundu. Mpi-la mosi nufwete wila o nkwa tunda yo muntu wakondwa e tunda. Ke numoni wo-nga wa muntu ko, kadi vava nufundisa, Nzambi nusunzula.” Kieleka afundisi muna Isaele, va fulu kia Nzambi bafundisilanga. Ekw’e lau diampwena bakala diau!—Nsiku 1:16, 17.

Tusalu twa Mwanda

Eyingidilu dia 15/9/2013 luk. 9 tini kia 9 Mabika ma Yave Masikididi

⁹ Vava Aneyisaele bayantika o nkangalu au a mvu 40 muna makanga, Yave kabazayisa ko e mpila ke kubafidila, kubatanina yo kubalunga-lunga. Kansi, Yave nkumbu miayingi wabasonga vo bevwa nluta avo bambundidi e vuvu yo lemvokela nkanikinu miandi. Muna sadila elunzi di’etuti muna mwini y’elunzi dia tiya muna fuku, Yave wasungamesa Aneyisaele vo wakala yau muna nkangalu au wa mpasi. (Nsi. 1:19; Luv. 40:36-38) Yave walungisanga mpe e nsatu zau. “Ke bakondwa ma ko; e mvwa-tu miau ke miafwa ko, o malu mau ke mavimba ko.”—Nek. 9:19-21.

7-13 KIA YUNI

TUSALU TUNA MUNA DIAMBU DIA NZAMBI | NSIKU 3-4

“E Nsiku mia Yave Miangu ye Miansongi”

Perspica vol. 1 luk. 817 tini kia 3 Umbakuzi

O kala ye fululu kia longoka e Diambu dia Nzambi yo sadila e nsiku mina mo, dilenda sadisa o muntu mu kala ye ngangu zafwana ke mu alongi andi ko yo kala mpe ye umbakuzi wayingi ke mu anu-ko. (Nku. 119:99, 100, 130; tezanesa ye Luka 2:46, 47.) Ediadi divangamanga kadi e ngangu yo umbakuzi mu nsiku miansongi mia Nzambi utukanga. Muna kuma kiaki vava Aneyisaele balandanga e nsiku miami, ediadi difilanga o nkangu mia bazunga mu kubabadikla vo “nkangu angangu ye umbakuzi.” (Nsi. 4:5-8; Nku. 111:7, 8, 10; tezanesa ye 1 Nti. 2:3) O nkwa umbakuzi ozeye o mfunu wa lembi kulula e nsiku mina muna Diambu dia Nzambi ye ovavanga lusadisu lwa Nzambi muna baka e nzengo. (Nku. 119:169) Oyambulanga vo Diambu dia Nzambi diasimba o ntim’andi (Mat. 13:19-23), osonekanga dio muna babu kia ntim’andi (Nga. 3:3-6; 7:1-4), omenganga e “ngienda zawonso za luvunu.” (Nku. 119:104) O mwan’a Nzambi wasonga o umbakuzi wa mpila yayi vava kakala ova ntoto. Watambulwila vondwa vana nti ampasi, kadi e Sono yavovanga vo mu mpila yayi kefwila.—Mat. 26:51-54.

Eyingidilu dia 1/11/1999 luk. 20 tini kia 6-7

Vava Fu kia Kaya Kiwokelanga

Mu kuma kia mana kawa, o ntinu anke-nto wasivika yo vova vo: “Kiese kwa wantu

aku, kiese kwa selo yaku ana betelamanga ova ndose aku ntangwa zawonso yo wá e ngangu zaku!” (1 Nti. 10:4-8) Kavova ko vo selo ya Solomo akwa kiese wau vo va fulu kiatunda bakala. Kansi, e selo ya Solomo akwa kiese bakala kadi ntangwa zawonso bawanga e ngangu za Solomo zina kavewa kwa Nzambi. Ekwe mbandu ambote kasisa o ntinu a nketo a Seba kwa nkangu a Yave o unu ana beyangalelanga e ngangu za Nzambi ye za Mwan’andi Yesu Kristu!

Dina ntinu a nketo a Seba kakudikila diambu diamfunu kikilu: “Yambula Yave wa Nzambi aku kakembelwa.” (1 Nti. 10:9) O ntinu a nketo wabakula vo Yave yandi wavananga e ngangu kwa Solomo yo wokesa e kimvuama kiandi. Ediadi ngwizani dina yo nsilu una Yave kasia kwa Isaele. Wavo va vo: ‘Nufwete lemvokela e nsiku miamena una ufwene,’ “kadi ediadi disonga vo nu akwa ngangu ye umbakuzi vana meso ma wantu ana bewá e nsangu mu kuma kia nsiku miami miawonso yo vova vo: ‘Kalukatikisu ko vo e zula kiaki kianene i nkangu angangu ye umbakuzi.’”—Nsi. 4:5-7.

Eyingidilu dia 1/8/2007 luk. 31 tini kia 13 Nga u “Mvwama Kuna kwa Nzambi”?

¹³ Vava Yave kesambulanga nkangu andi, okubavananga nsambu zina zisundidi. (Yakobo 1:17) Muna bong’e nona, vava Yave kavana Aneyisaele e nsi, yakala se ‘nsi ina yafwamfumukang’e kimvumina yo wiki.’ Kana una vo e nsi ya Engipito mpe i wau yakala, e nsi ina kavana Yave kwa Aneyisaele yaswaswana yakala. Mose wavovesa Aneyisaele vo, e nsi yayi i “nsi ina kesungamenang’o Yave wa Nzambi aku.” I sia vo, besikila kadi Yave okubalunga-lunga. Vava Aneyisaele basikila ye kwikizi kuna kwa Yave, basambulwanga kikilu kwa ya-

ndi yo sunda e kiese kia zula yawonso yabazunga. Elo, e nsambu za Yave i zau ‘zivwamisanga.’—Ntalu 16:13; Nsiku 4:5-8; 11:8-15.

Tusalu twa Mwanda

Eyingidilu dia 15/9/2004 luk. 25 tini kia 3

Mambu Mamfunu ma Nkand’a Nsiku

4:15-20, 23, 24—O nsiku wasimanga vanga e teke ya nsambila nga usonganga vo diambi mu vanga e fwaniswa ya bulu yovo ya lekwa yankaka mu viengesa e nzo? Ve. O nsiku wau wasimanga vanga e teke ya nsambila yo lembi yo ‘vumbamena ngatu sadila.’ Bibila ke kisimanga vanga fwaniswa ya bulu ko ngatu lekwa yankaka mu viengesa e nzo.—1 Nti. 7:18, 25.

14-20 KIA YUNI

TUSALU TUNA MUNA DIAMBU DIA NZAMBI | NSIKU 5-6

“Longa Wan’aku Bazola Yave”

Eyingidilu dia 1/7/2005 luk. 14 tini 11 Amase, Nulungisa Nsatu Za Esi Nzo Zeno

¹¹ E sono kitoma sadilwanga muna kuma kia lungisa nsatu za mwanda za wana i Nsiku 6:5-7. Vanga luzolo waziula Nkand’a Nzambi yo tanga e sono kiaki. Omwene vo amase yau bateka voveswanga vo bakala ye ngwizani ambote yo Nzambi, basiamisa zola kwau muna Yave yo lemvokela e nsiku miandi. Elo, amase nufwete longokanga e Diambu dia Nzambi, tanganga o Nkand’a Nzambi lumbu ke lumbu yo badika mana nutanganga kimana nwakala yo umbakuzi yo wokesa zola muna nzila za

Yave ye nkanikinu miandi. Avo nuvangi-di wo, e ntima mieno mizala ye ludi kia Nkand’a Nzambi. Ediadi dikunufila mu kala ye kiese kia sadila Yave, muna kumvumina yo kunzola. Muna mpila yayi, nukala ye mambu mayingi mambote muna longa wan’eno.—Luka 6:45.

Eyingidilu dia 15/5/2007 luk. 15-16

Aweyi o Mase Balenda Longela o Wana mu Mpila Yambote?

E zolela, ngindu ye mana nusianga va fulu kiantete mezayakananga ke mu mana kaka nuvovanga ko kansi muna mana nuvanganga mpe. (Roma 2:21, 22) Tuka muna kinsedia, o wana belongokanga muna mana bemonanga kwa mase mau. Oyau bebakulanga o mambu masundidi o mfunu kwa mase mau. Nkumbu miayingi vava bekulanga, o mambu mama i mau mpe mekitukanga se mamfunu kwa yau. Avo Yave otoma zolanga, o wan’aku bebakula e diambu diadi. Kasikil’owu, oyau bebakula vo o tanga yo longoka e Bibila diambu diamfunu muna zingu kieno. Bebakula mpe vo Kintinu kia Nzambi nusianga va fulu kiantete. (Matai 6:33) E ngolo nuvanganga za lembi kondwa muna tukutakanu yo vema nusonganga muna salu kia umbangi, kulenda sadisa o wan’eno mu bakula vo e salu nusadilanga Yave mfunu kikilu kina muna zingu kieno.—Matai 28:19, 20; Ayibere 10:24, 25.

Eyingidilu dia 1/7/2005 luk. 15 tini 14
Amase, Nulungisa Nsatu Za Esi Nzo Zeno

¹⁴ Nze una usonganga Nsiku 6:7, vena ye ntangwa zayingi amase balenda mokena mambu ma mwanda yo wan’au. Vava nukangalanga, nusalanga vamosi

yovo nusakananga, nulenda vwa malau mayingi mu lungisa nsatu za mwanda za wan’eno. Kieleka, nufwete longanga e ludi kia Nkand’a Nzambi ntangwa zawonso kwa wan’eno. Vana ntandu, nufwete sianga ngolo za mokenanga mambu ma mwanda y’esi nzo. Kasikil’owu, e finkanda *Despertai!* fivwidi malongi ma mpila mu mpila. Malongi mama malenda ziula nzila mu mokena mu kuma kia bulu kavang’o Yave, fulu yambote yin’omu nz’amvimba ye nswaswani ya fu ye zingu kia wantu. E moko yayi yilenda fila aleke mu yangalela tanga e nkanda mivayikisanga ntaudi akwikizi yo lulungalalu.—Matai 24:45-47.

Tusalu twa Mwanda

Eyingidilu dia Fevelelo 2019 luk. 22 tini
kia 11

Zola ye Unsongi Kuna Isaele Yankulu

¹¹ **Longi kwa yeto:** Yave ke monanga kaka mpw’a muntu ko. Omonanga mpe una twina muna kati, i sia vo, ntim’eto. (1 Sam. 16:7) Ke vena ngindu ko yovo zolela ngatu mavangu mana malenda kala maswekama kwa yandi. Yave oma mambote kevavanga muna yeto. Kansi, ozolele vo twabakulanga yo venga e ngindu zambi vitila zatufila mu vanga oma mambi.—2 Tus. 16:9; Mat. 5:27-30.

21-27 KIA YUNI

TUSALU TUNA MUNA DIAMBU DIA
NZAMBI | NSIKU 7-8

“Ke Nufwete Kanga yau Kangu dia Longo Ko”

Eyingidilu dia 1/7/2012 luk. 29 tini kia 2
Ekuma o Yave Kavavilanga vo Selo Yandi

Basompana Kaka ye Awana Bansambilanga?

Yave wazaya wo vo Satana wazola vuku-muna nkangu andi muna nsambil'a teke. Muna kuma kiaki, Nzambi walukisa selo yandi muna kubazayisa vo awana ke beku-nsambilanga ko "bevukumuna o wan'aku bayambula kundanda yo kwenda sadila nzambi zankaka." Muna mpila yayi, kele vo Aneyisaele basadila nzambi zaluvunu, badi vidisa e dienga yo lutaninu lwa Nzambi, ediadi diadi fila e mbeni zau mu kuba-fukisa. Kele vo ediadi diavangama, aweyi o Masia kadi wutukila muna zula kiaki? Ediadi disonganga vo Satana kani kakala diau vava kazola vukumuna Aneyisaele mu sompana yo wantu ana ke basambilanga Yave ko.

Eyingidilu dia 15/3/2015 luk. 30-31

O Nkanikinu wa Sompela "Muna Mfumu Kaka," Nga Wakinu yo Mfunu?

Muna Diambu diandi, Yave wavova vo selo yandi bafwete sompela kaka muna mfumu. Ekuma? E kuma kadi Yave ozeye edi disundidi o wete kuna kwa nkangu andi. Yave kazolele tanina kaka selo yandi ko muna mfwilu mitwasanga e nzengo zambi, kansi ozolele mpe vo bakala ye kiese. Muna lumbu ya Nekemiya, vava Ayuda basompananga ye nzenza ana ke basambilanga Yave ko, Nekemiya wayika mbandu ambi ya Solomo. Kana una vo Solomo "wazolakana kwa Nzambi andi," "akento a nzenza bansumukisa." (Nek. 13: 23-26) Muna wete dia nkangu andi, Nzambi ovavanga vo twasompana kaka ye awana bekunsambilanga. (Nku. 19:7-10; Yes. 48:17, 18) Akristu bevutulanga mato-ndo wau vo Nzambi okubalunga-lunganga

kuna zola kwawonso ye bebundanga e vuvu muna tuludiku twandi. Muna kunsakalela nze Nyadi au, bazeye wo vo yandi i Mfumu a Nsema wawonso.—Nga. 1:5.

Eyingidilu dia 15/8/2015 luk. 24 tini kia 12

Toma Solanga Akundi mu Lumbu Yayi Yambaninu

¹² Akristu ana bazolele sompa, bafwete toma sola awana bekazala yau. Diambu dia Nzambi dilukisanga vo: "Ke nukoma-m'e ntwadi ya mindembi-kwikila ko: kadi nkia untwadi bena wau, e ndungidi yo umpumbulu? ovo nkia untwadi bena wau, o ntemo ye tombe?" (2 Korinto 6:14) Nkand'a Nzambi uvovesanga selo ya Nzambi vo basompela 'kaka muna Mfumu,' i sia vo, sompana kaka yo muntu wakiyekola yo vubwa, ona olemvokelanga nkanikinu mia Yave. (1 Korinto 7:39) Avo somepele ona ozolanga Yave, okala yo muntu okusadisa mu sikila ye kwikizi muna Nzambi.

Tusalu twa Mwanda

Eyingidilu dia 1/2/2004 luk. 13 tini kia 4
Yave Olungisanga e Nsatu Zeto za Lumbu ke Lumbu

⁴ E sambu tuvanganga mu kuma kia dia kwa lumbu, kifwete kutusungamesa vo madia ma mwanda mpe tuvuidi o mfunu. Kana una vo Yesu nzala zayingi kakala zau vava kamina nsoki mu kolo kianda, kabwa mu ntonta za Satana ko za kitula matadi se mbolo. Wavova vo: "Diasonama vo: 'O muntu ke zingilanga kaka mu mbolo ko,' kansi muna konso diambu divaikanga muna nu'a Yave.'" (Matai 4:4) Yesu wayika Mosi wa ngunza ona wavovesa Aneyisaele vo: "[Yave] "wakituka se

nlembami yo kumwesa e nzala yo kudi-kil'e mâna ina kwazaya ko, kana nkutu mase maku ke bazaya yo ko, kimana wazaya wo vo muntu ke zingilanga kaka mu mbolo ko, kansi muna mvovo miawonso mivaikanga muna nu'a Yave." (Nsiku 8:3) E mpila ina Yave kadikilanga Aneyisaele muna kubavana e mâna, yasonga vo kalungisanga kaka nsatu zau za nitu ko kansi, wabalonganga mambu mamfunu ma mwanda. Entete, diavavanga vo konso muntu "kakutika e kunku kiandi kia konso lumbu." Vava baviokesa e kunku kia mâna, ina balundanga yavaikisanga mimvidi yo tá e nsudi. (Luvaiku 16:4, 20) Kansi ediadi ke diavangamanga ko muna lumbu kiasambanu vava babakanga e mâna ya lumbu yole muna lungisa e nsatu zau. (Luvaiku 16:5, 23, 24) Muna mpila yayi, o mâna yabasungamesanga o mfunu wa songa o lemvo yo zaya vo o muntu ke zingilanga kaka mu mbolo ko, "kansi muna mvovo miawonso mivaikanga muna nu'a Yave."

28 KIA YUNI–4 KIA YULI

TUSALU TUNA MUNA DIAMBU DIA NZAMBI | NSIKU 9-10

"Adieyi o Yave wa Nzambi aku Kekutulombanga?"

Eyingidilu dia 1/10/2009 luk. 10 tini kia 3-4

Adieyi o Yave Kekutulombanga?

Nki kilenda kutufila mu lemvokela Nzambi yo ntim'a mvevo? Mose wayika kuma kimosi, wavova vo: "Vumina Yave wa Nzambi aku." (Tini kia 12) Ke wonga wa mona mpasi za mavangu meto ko kansi, i vumi wa nsia ntim'a tusonganga kwa Nzambi ye

mpil'andi ya vangila o mambu. Avo tukala yo vumi wakieleka muna Nzambi, tuvanga mawonso muna kunyangidika.

Nkia kuma kiantete kifwete kutufila mu lemvokela Nzambi? Mose wavova vo: 'Zola yo sadila Yave wa Nzambi aku yo ntim'aku wawonso yo moyo aku wawonso.' (Tini kia 12) O zola Yave ke mpasi vova kaka ko vo zola tukunzolanga. Nkand'a mosi usasilanga vo: "O mvovo zola muna Kiyibere ulenda yika mavangu mena e ngwizani yo zola. O nkanda wau wakudikila vo o zola Nzambi disongele vo vanga mambu mesonganga vo zola kieleka tukunzolanga." Disongele vo avo tuzolanga kieleka Nzambi, tuvangila mambu muna mpila iku-nyangidikanga.—Ngana 27:11.

Eyingidilu dia 1/10/2009 luk. 10 tini kia 6

Adieyi o Yave Kekutulombanga?

O lemvo wetu wa nsi a ntim'a nsambu zayingi ukututwasila. Mose wasoneka vo: "Lunda e nkanikinu ye mîna mia Yave mina ikukanikinanga o unu, mu kuma kia wetu diaku." (Tini kia 13) Kieleka, e nkanikinu miawonso mia Yave ye mawonso kekutulombanga i muna wetu dieto. Bibila kivovanga vo "Nzambi i zola." (1 Yoane 4:8) Muna kuma kiaki, e nkanikinu miawonso katuvana, nluta miakwele mvu mikututwasila. (Yesaya 48:17) O vanga mawonso kekutulombanga o Yave diku-tusadisa owau ye dikututwasila nsambu zakwele mvu muna Kintinu kiandi.

Finama Nzambi luk. 16 tini kia 2

Ng'a Olenda 'Finama Kieleka Nzambi'?

² O Abarayama wazinga muna nz'ankulu mosi mu ana bakala ye ngwizani yayi. O

Yave wanyikila vo “nzodi ame.” (Yesaya 41:8) Elo, o Yave wayikilanga Abarayama se nkundi andi. O Abarayama wasendwa mu kikundi kiaki kadi ‘wakwikilanga muna Nzambi.’ (Yakobo 2:23) O unu mpe, o Yave ‘ovavanga finama’ awana bekunsadilanga muna zola kwawonso. (Nsiku 10:15) E Diambu Diandi dikutuvesanga vo: “Nufinama Nzambi, oyandi mpe okunufinama.” (Yakobo 4:8) Mambu mole tumwene mu mvovo miami, mboka ye nsilu.

Tusalu twa Mwanda

***Perspica*z vol. 1 luk. 127**

Aneyanaki

Kanda dia wantu basunda o nene yo ntela ana bazingilanga muna zunga ya miongo mia Kenani. Vakala ye ntangwa ina vo ntatu muna Aneyanaki, Akimani, Sesai yo Talemaji, bazingilanga muna zunga kia Keberone. (Nta. 13:22) I kwakuna alangi 12 Ayibere bamwena Aneyanaki mu nkumbu antete, 10 muna alangi awaya batwasa e nsangu zamwesa nkangu o wonga vava bavova vo o wantu awaya i miongo ya Anefili, ana bazinga vitila Kizalu yo vova nkutu vo avo batezaneso, Ayibere bakala nze “makonko.” (Nta. 13:28-33; Nsi. 1:28) Mu kuma kia mpwa nitu zau, batezaneswanga yo wantu asunda onene ye ntela mianda-ndanda vana kati kwa Anemime ye Anerefa. O nkuma bakala wau, wa vayikisa kingana kimosi kivovanga vo: “Nani olenda telama vana vena wan’a Anaki?”—Nsi. 2: 10, 11, 20, 21; 9:1-3.

